

河北道

卷六十二定

州北安喜

望蒲陰都

唐新樂縣

曲陽邑

卷六十三冀

州信都

南宮

阜城

武邑

深

州陸澤

饒陽

安平

武強

卷六十四德

州安德

平原

德平

棣

州厭次

滴河

濱州

渤海

卷六十五滄

州饒安

樂陵

南皮

無棣

卷六十六瀛

州高陽

東城

莫州

鄭縣

任邱

卷六十七易

州易縣

滿城

雄

州歸義

容城

霸

州永清

文安

太平寰宇記卷之六十二

河北道十一

定州

定州

博陵郡今理安喜縣

禹貢冀州之域虞舜肇十有二州

蓋并州之域周之九州亦并州之域不改帝堯始

封唐之地春秋為白狄之地戰國時為中山國後

為魏所併亦屬晉竟為趙所併焉戰國策云常莊

談謂趙襄子曰魏併中山必無趙矣君何不請公

子傾封之中山是中山復立也俄而中山武公之

後復立與六國並稱王五葉專行仁義貴儒學賤

定州志

壯士不教人戰趙武靈王襲而滅之中山之地方
五百里卒爲趙併矣秦併天下爲趙郡鉅鹿二郡
之地按張曜中山記云郡理中山城城中有山故
曰中山漢靖王受封始移郡出山居盧奴按隋圖
經云中山城在今唐昌縣東北三十一里中山故
城是也至景帝改爲中山國後漢因之魏晉不改
後燕慕容垂都之仍置尹焉十六國春秋慕容垂
燕元二年十二月垂定都中山以右司馬封衡爲
中山尹至慕容寶爲後魏所陷魏于此置安州至
道武末改爲定州以安定天下爲名後周置總管

府領鮮虞郡隋初廢郡爲州大業三年改博陵郡
遙取漢博陵郡爲名九年改爲高陽郡唐武德四
年平竇建德移置定州領安喜義豐北平深澤毋
極唐昌新樂恆陽唐望都等十縣其年置總管府
領定恆并滿廉五州六年升爲大總管府管定洺
相慈黎冀深蠡滄瀛魏貝景博趙宗觀廉恆并邢
欒德衛滿幽易燕檀平營等三十二州七年改爲
都督府督定恆并滿趙廉欒蠡等八州貞觀元年
以廢廉州之鼓城來屬五年廢都督府十七年以
廢深州之安平來屬先天二年以安平還深州天

寶元年改為博陵郡乾元元年復為定州大厯三年以鼓城隸恆州曲陽隸泚州九年廢泚州曲陽復來屬貞元十三年復為大都督府十四年廢府依舊為上州按北齊彭城王浹為定州刺史有善績人吏送別悲號滿路有父老數百具饌餞浹浹不能違其意各食一口以領之皇朝為定武軍節度使

元領縣十一

今八

安喜

蒲陰

唐縣

陘邑

北平

望都

新

樂

曲陽

三縣割出

無極

入祁州

深澤

入祁州

博野

建寧邊軍

州境

東西二百三十里

南北二百七十里

四至八到

西南至東京一千一百二十里

西南至西京一千二百二十里

西南至長安二千八十五里

東至瀛州二百八里

南至趙州三百十七里

西南取橐城縣至趙州一百九十里

西至鎮州一百二十四里

北至蔚州四百九十里

東南至深州一百七十三里

西南至鎮州一百七十三里

西北至鎮州行唐縣七十三里

東北至莫州二百五十里

戶

唐開元戶二萬五千四百六十

皇朝戶主二萬二千七百五十九客一千八百九

十四

風俗 同鎮州

人物

崔駟 字亭伯安平人以詞賦名世 崔琦 字子璋駟之族

以文章 張載 字孟陽安平人入蜀省父 劉琨

著名 甄彬 定州 魏愷 州長史愷不召為青

字越石 甄彬 州 魏愷 州長史愷不召為青

怒愷云能殺臣者陛下也不 甄濟 字孟濟 張

受長史者臣愚也顯祖奇之 李百藥 字重規定

忠 中山人苻堅徵之不仕歿 崔湜 字澄瀾定

至宗 崔玄暉 安平人誅張易 崔湜 字澄瀾定

太平寰宇記 卷之六十二

以政最賜金紫服

郎士元

字君胄定州人善詩與錢起齊名官刺史

崔寧

安平人檢校司空

郭正一

定州人相武后

土產

兩窠紋綾

椶梨

羅綺貢

恆山

人參

瓷

器

安喜縣

舊十八鄉今十鄉

古中山鮮虞地史記云鮮虞白狄

之種最大國在漢為盧奴縣屬中山國按縣界有

黑水故池深而不流俗謂黑水曰盧不流曰奴因

為邑名蜀志先主嘗為安喜尉即此邑也後燕慕

容垂都中山時因改盧奴縣為弗違縣屬中山郡

後魏平燕改弗違復為盧奴縣高齊文宣帝改盧

奴復為安喜縣隋文帝改安喜為鮮虞縣唐武德

四年復為安喜縣輿地志云盧奴城北臨滹水南

面派河杜預謂管仲城是也滹水亦名唐河在

縣北八里西北自唐縣界流入水經注云滹水又

東經京邱北對君子岸岸上有哀王子憲王陵坎

下有泉源積水亦曰泉上岸又東經白土北南即

靖王子康王陵又東至樂羊城長星川在縣西

八里今名七里溝水經注云長星川東南經盧奴

城南天井澤在縣東南四十七里周迴六十二

里水經注云泝水歷天井澤南水流所播爲澤俗名爲天井淀 中山故城水經注黑水東北有漢中山王故宮有釣臺戲馬觀尙存遺址中山者城內有小山側而欲上若委粟焉城因號曰中山前王陵按隋圖經云中山有趙惠文王陵漢中山懷王陵簡王哀王順王夷王等數陵也 安喜故城在縣東三十里本漢安險縣後漢改爲安喜蜀漢先主嘗爲尉處 太妃殿漢成帝馮昭儀子爲中山王就國乃起此殿爲太妃殿

蒲陰縣

東六十里舊十鄉今八鄉

本漢安國縣之地屬中山國魏

志后妃傳曰明帝追封后父毛嘉爲安國侯隋開皇六年自鄆城移安國縣于鄭德堡屬定州今縣是也其年仍改安國縣爲義豐縣唐神功元年改爲立節縣神龍初復爲義豐縣至皇朝改爲蒲陰縣 唐河在縣北五里隋圖經云唐河卽漈水是 苻秦建元元年高岸崩頽若城角下有積木交橫如梁柱竟莫知所來 泝水在縣西二十五里 解瀆故城在縣東北九里本漢解瀆亭靈帝襲爵解瀆亭侯帝崩無子竇武定冊迎立即靈帝也 長林溝今名木刀溝在縣南三十三里

唐縣

西北五十里舊十八鄉今十鄉

本堯為唐侯國于此至春秋時

為鮮虞邑漢為唐邑地應劭地理記云中人城西北四十里有左人亭鮮虞故邑按左人亭即今縣城是漢地理志屬中山國高齊省入安喜縣隋開皇十六年重置屬定州又九州要記唐縣本白狄種最為夷狄大國梁開平三年改為中山縣後唐同光初復舊晉改為博陵縣漢初復舊孤山在縣東北五十四里蓋都山也皇甫謐帝王世紀云望都山堯母慶都之所居張晏云堯山在北堯母慶都山在南每登堯山見慶都山是此鹿靈巖

仙人巖皆邑之山名也

八度故關在縣西北

二十五里有水曲屈八度流水之上置關故名之蓋漢戍也 鴻山關今名鴻城酈道元注水經云

滹水東流歷鴻山俗謂其處為鴻頭即晉地道記所謂鴻上關是也按九州要記云中山有鴻山關者昔項羽于此關見羣鴻乃誓眾曰我當南面而中其一引滿射之莫有中者乃折弓投地而去時知項羽終不能濟 鴻郎城九州要記云鴻城俗號為鴻郎城即帝堯時丹朱所居此城是也 靈井隋圖經云唐縣中山城西北隅有一大井俗名

趙母井昔云醇酎千日卽是此井所醞後以石蓋
之人不敢開齊刺史博陵王濟欲開之卽有雲霧
隱蔽懼不開 唐池水經注云唐水所積俗謂之
唐池蓮荷被水亦曰蓮堰 寡婦故城在縣北九
里後漢賈復追銅馬五幡賊于此築城後人語訛
轉呼爲寡婦 倒馬故關在縣西北一百二十里
濇水東經倒馬關山路險峻馬爲之倒因名漢置
關戍于此

陘邑縣

南五十里舊一鄉今六鄉

本七國時中山國之苦陘邑

漢苦陘縣也史記李克爲中山相苦陘之吏上計

入多于前李克曰苦陘上無山林之饒下無藪澤
牛馬之息而入多于前是擾亂吾人也于是免之
漢屬中山國後漢章帝改苦陘爲漢昌魏文帝改
曰魏昌隋文帝仍于其城置隋昌縣屬定州唐武
德四年改爲唐昌天寶元年改爲陘邑縣焉 靈
沼滋泊皆邑之洿澤民有蒲魚之利焉 石白河
故關邑城漢爲關邑縣屬中山後廢故城在今
縣西南 廉頗臺在縣西南十九里慕容恪與冉
閔戰于魏昌廉頗臺閔大敗卽此地 木刀溝在
縣南一里

北平縣

東北八十里舊十一鄉今六鄉

本秦曲逆縣之地屬中山國

隋圖經云漢高祖北征還至此大會酒酣嘆曰吾周行天下多矣唯見洛陽與是因封陳平于此十三州志云後漢章帝巡北岳以曲逆名不善改爲蒲陰縣後魏孝昌中于今縣東北二十里北平城置北平郡割中山國之蒲陰望都北平三縣屬之高齊省北平郡及蒲陰縣以北平縣屬中山郡隋開皇三年屬定州唐萬歲通天二年契丹攻圍七旬不下勅改爲徇忠縣神龍元年復爲北平縣後唐長興三年改爲燕平縣今復爲北平 蒲陽山

漢書地理志曲逆縣有蒲陽山蒲水所出謂此也兼漢有蒲陰故城在今縣西北四十里 濡水縣西五里 安陽故關縣西北二十五里

望都縣

東北五十里舊十三鄉今四鄉

本漢舊縣屬中山國堯始受

封於此故張晏注云堯山在北堯母慶都山在南登堯山見都山故以望都爲名今邑有堯祠并後漢光武祠甚靈高齊省隋開皇六年又置 唐水縣西南四十二里 都山一名豆山堯母望之故有望都之號焉 伊祁山堯住此山後因作姓 倒馬關在邑界 中人亭卽今縣是也 柳宿城

在縣東四十二里漢宣帝母王夫人微時與父母
別處本漢柳宿侯國漢書王子侯表曰元朔元年
三月癸酉封中山靖王子蓋為柳宿侯是此 張
行成墳唐左僕射 劉伯威墳漢太尉已上二墳
在邑界 陽城淀在縣東南七里周迴三十里莞
蒲菱芡靡所不生 堯祠在縣南四十里

新樂縣

西南五十里舊
八鄉今五鄉

本春秋鮮虞國漢為新市縣

之地隋開皇十六年置新樂縣屬定州取新樂故
城為名也新樂者漢成帝時中山孝王母馮昭儀
隨王就國王為建宮于樂里在西鄉呼為西樂城

時人語訛呼西為新故為新樂 義臺在縣西南

十三里後燕錄云慕容麟與道武戰于義臺燕師
敗績 黃山隋圖經云新樂縣黃山山有細奕白

石可為器物土人工之 長林溝在縣東南二十

四里亦呼為木刀溝 廉頗墓在縣界

曲陽縣

西北二十里舊
十三鄉今十鄉

本漢上曲陽縣也屬常山郡

後漢屬中山國高齊天保七年除上字但為曲陽
縣屬中山郡隋開皇六年改曲陽為石邑縣其年
移石邑于井陘縣屬恆州七年于此置恆陽縣隸
定州在恆山之陽為名唐改為曲陽縣避廟諱

太平寰宇記卷之六十二
北岳恆山在縣西北一百四十里禹貢太行恆山
至于碣石入于海孔安國注云二山連延至碣石
也爾雅恆山爲北岳郭璞注今常山也避文帝諱
改爲常山周禮正北曰并州其山鎮曰恆山鄭注
恆山在上曲陽春秋元命苞曰昴畢閒爲天街散
爲冀州分爲趙國立爲常山其下有祠曰安天王
按恆山記云高三千九百丈上方三十里周迴三
千里上有太玄之泉神草一十九種道者服之成
仙太史公云北岳有五名山一曰蘭臺府二曰列
女宮三曰華陽臺四曰紫微宮五曰太乙宮或云

校勘
太茂山山北四百餘里號曰飛狐之口有率然蛇
孫吳以喻兵勢 鳴石溪水側有石若扣之極鳴

定州

蒲陰縣 總序

自鄆城安國縣

按舊志鄆城作郢城當考

太平寰宇記卷之六十二終

太平寰宇記卷之六十三

河北道十二

冀州

深州

冀州

冀州

信都郡今理信都縣

禹貢九州之一畢昴之間為天街昴

星散為冀州分為趙國立為常山兩河之間為冀

州夏禹導河自大坯山北過降水至于大陸按地

志降水南自清河郡經東武城縣界入當郡南宮

縣界又東北入信都縣界水經注云降水故瀆又

東北經辟陽亭北入信都城東散入澤渚按辟陽

亭在今郡理東南三十五里今郡乃漢信都國城
則郡理東入兗州之域西入冀州之域此是明二
州之地春秋時爲晉東陽地三家分晉國爲趙秦
併天下置三十六郡屬鉅鹿漢書高帝六年分趙
鉅鹿立清河信都常山等郡尋改信都爲國至景
帝二年改爲廣川國立皇子彭祖爲王四年彭祖
徙封趙中二年封皇子越爲王子齊有罪國除數
月武帝立齊子去爲王去有罪徙上庸宣帝地節
四年立去兄文爲王文子海陽有罪徙房陵元帝
建昭三年改爲信都國封皇子興爲王後興徙中

山王哀帝二年徙定陶王景爲信都王領縣一十
七理信都後漢初復爲郡按後漢書云王郎僭號
河北悉應光武自薊南行有白頭翁曰努力信都
爲長安守光武至信都太守任光開門出迎卽今
州也光武遂改爲長安國永平十五年更名樂成
國以封皇子黨爲王傳國四世絕延光元年又更
名安平國以封河閒孝王開子德爲王以續祀至
中平元年有罪國除漢末兼置冀州領郡國而理
于此魏黃初中冀州刺史自鄴徙理信都至晉泰
始元年封皇叔祖孚爲安平王太康五年又改爲

長樂國立孚曾孫祐爲王十年割武遂武邑觀津
三縣爲武邑國以封南宮王承爲武邑王惠帝時
承薨無後省還長樂西晉末石趙自信都徙理襄
國至季龍州徙于鄴慕容儁平冉閔冀州又徙理
信都苻堅克慕容暉州又徙于鄴後慕容垂據中
山復移冀州于信都垂改都之後魏平慕容氏復
爲長樂郡兼置冀州北齊後周皆因之隋開皇三
年郡廢而冀州如故煬帝初州廢復爲信都郡唐
武德四年討平竇建德復改置冀州領信都衡水
武邑棗強南宮堂陽下博武強八縣六年置總管

府移治所于下博管冀貝深宗四州貞觀元年廢
都督府移州治于信都又以下博武強二縣屬深
州十七年以廢深州之下博武強鹿城廢觀州之
阜城來屬龍朔二年改爲魏州都督府咸亨三年
復舊先天二年割下博武強鹿城三縣屬深州開
元二年復以下博武強還冀州天寶元年改爲信
都郡乾元元年復爲冀州後漢皇甫嵩字義貞爲
冀州牧平黃巾賊有功後嵩請冀州一年田租以
賑饑人帝從之百姓歌之曰天下大亂兮市爲墟
母不保子兮妻失夫賴得皇甫兮復安居

元領縣十 今八

信都 南宮 阜城 武邑 堂陽 棗強 衡

水 滹縣 德州割到

二縣割出

武強 下博 已上入深州

州境

東西二百六十里 南北二百三十六里

四至八到

西南取相州路至東京七百二十里

西南至西京一千四百里

西南取相州路至長安一千九百二十里

東至德州二百一十五里

南至貝州一百三十里

正西微北至趙州一百六十里

北至瀛州二百四十里

東至博州三百里

西南至邢州二百六十里

西北至深州一百三十里

東南至博州三百里

東北至滄州三百三十里

戶

唐開元戶九萬四千一百二十

皇朝戶主一萬八千六百三十五客三千七百一

十二

風俗

虞植冀州風土記云黃帝以前未可備聞唐虞以來冀州乃聖賢之泉藪帝王之舊地又張彥貞記云前有唐虞之化後有孔聖之風又十三州志冀州之地蓋古京也人患剽悍故語曰仕宦不偶值冀部其人剛狠淺于恩義無賓序之禮懷居慳嗇

古語云幽冀之人鈍如椎亦履山之險為逋逃之藪又許慎說文云冀州北部以月朝作飲食為臠臘祭也又山東之人性緩尚儒仗氣任俠是也

姓氏

高陽郡五姓 許 紀 夏 伏 公孫

渤海郡三姓 吳 高 歐陽

人物

竇嬰 董仲舒 後魏有馬八龍 唐孔穎達

衡水人為散騎常侍 孔巢父 字弱翁冀州人隱徠山號竹溪六逸

高士

廉 渤海人

土產

絹貢 綿貢 草履子

信都縣

舊三十鄉
今三鄉

本漢舊縣地屬信都國又續漢書

郡國志信都縣屬安平國後魏又屬長樂郡隋開

皇六年又于州理置長樂縣大業二年省信都縣

併入長樂十二年又改長樂為信都縣郡國縣道

記云信都城內有曹魏冀州刺史陳留丁紹頌德

碑青龍三年立又有後魏刺史崔藏李平封隆之

四碑文皆冠絕 胡蝗晉陽秋曰司冀青雍州蝗

食茅草至盡石勒與蝗競取民禾河北百姓謂之

胡蝗 歷山舜耕于歷山是此 衡水亦曰長蘆

水即濁漳之下流也按信都記云衡水有袁譚渡

歷下博城北而迤邐東北注謂之九爭曲水味鹹

苦俗稱苦河亦謂之黃漳河 濁漳水在州西北

六十里亦謂之白溝 降水禹貢謂導河北過降

水即此今謂之枯降渠西南自南宮縣界流入又

云降水枯瀆在州東南二十里 博水源出中山

望都縣南入上博縣界因為名 楊陞澤爾雅謂

秦有楊陞 長蘆枯溝在州西二里 昌成故城

漢為縣在今郡西北五十里屬信都後漢省 扶

柳故城在今縣西三十里按隋圖經云縣有扶澤
內多柳因號曰扶柳城卽漢末劉植據此城以迎
世祖于此 辟陽故城在今縣東南三十五里漢
爲縣後漢省 故桃城漢爲縣在今縣西北四十
五里後漢省今城存 故澤城西晉末劉石之亂
人相率共築此城于柳澤畔 合陽城漢縣高帝
時以代王喜棄國降爲合陽侯宣帝又封梁喜爲
侯王莽改曰宜鄉後漢省併入扶柳舊地理書並
失所在蓋在今郡東界 三張宅晉文士張協兄
弟三人俱善屬文皆郡人也語曰二陸入洛三張

減價 竇冢隋圖經云觀津東南二里青冢高三
十餘丈周迴千步漢文帝竇后父青少遭秦亂隱
身漁釣墜泉死景帝卽位太后于墜井泉所起大
墳號曰竇氏青山在觀津城南 煮棗故城在縣
東北二十五里漢侯國城六國時于此煮棗油後
漢及齊以故事每煮棗油于此城

南宮縣

西南六十二里舊
二十七鄉今四鄉

本漢舊縣漢書云高后元

年封張敖子偃爲南宮侯卽此邑地理志南宮屬
信都國隋圖經云光武自薊南馳至南宮界遇大
雨引車入道傍客舍馮異抱薪鄧禹燃火對竈燎

衣而去卽此地高齊天保七年省隋開皇六年復置 降水枯瀆在縣東南六里南自清河郡經城縣地流入邑界 繚縣漢爲縣在今縣東南二十里故城存後漢省有降水枯瀆經此城北

阜城縣

東北一百四十里舊二十七鄉今四鄉

本漢舊縣地屬渤海郡

故城在今縣東二十二里阜城故城是也後漢屬安平國晉書地道記云改阜邑爲阜城高齊天保七年自故城移于今理隋開皇九年改屬觀州大業二年復屬冀州唐武德四年又屬觀州貞觀十七年廢觀州又隸冀州 弓高城在縣南二十七

里隋圖經云弓高城漢封韓頽當爲侯國崔浩曰韓增爲龍額侯今城中有龍額村卽此晉省縣隋開皇十六年復置屬滄州 故蒲領城漢縣在今縣北三里蒲領故城是後漢省併滹按水經注云今滄州魯城縣北六十里漳河西岸又有一蒲領人流寓于彼遂立此城後漢旣以蒲領併滹今阜城北蒲領故城與滹相近足明魯城西界蒲領非漢縣也 苻融壘在縣東北二十四里 沙邱卽

宅陽城一名西宅

華陽亭卽嵇康學琴于此

武邑縣

東北九十里舊十九鄉今四鄉

本漢舊縣地屬信都國後漢

屬安平國晉太康十年于此置武邑郡後魏皇始三年移郡治武強高齊天保中省武邑隋開皇六年復置 降水九州要記云武邑縣降水西南自衡水縣界而東經縣城西北過 衡漳河在縣北三十二里 觀津邱在縣東南二十七里 東昌故城在縣東北二十八里漢為縣後漢末省 觀津城在縣東南二十五里古堤尚存即六國趙邑也趙孝成王封樂毅于觀津號望諸君又漢為縣景帝母竇太后觀津人也高齊天保七年廢 武強湖在縣北三十二里

堂陽縣

西六十五里舊十七鄉今四鄉

本漢舊縣地漢書漢高帝封

孫赤為堂陽侯即此地屬鉅鹿郡應劭曰縣在堂水之陽按長蘆水亦謂之堂水縣名堂陽蓋取此也後漢屬安平國高齊省隋開皇十六年重置屬冀州晉改為蒲澤唐復舊名 堯臺郡國志云信都堂陽九門城有古臺二所並號為堯臺 長蘆水在縣南二百步

棗強縣

東南六十八里舊二十鄉今三鄉

本漢舊縣地武帝封廣川

王子晏為侯即此漢書地理志屬清河郡按縣道記云今棗強縣東北十八里有廣川王故城慕容

垂于此置廣川郡後魏孝文太和十一年廢郡高齊天保七年省廣川縣因移棗強縣理此城屬長樂郡隋開皇二年又自故城移棗強于今理縣外城卽羌酋姚弋仲之故壘也棘津故城在縣東北二十七里左傳曰晉荀吳帥師涉自棘津史記云呂望東海人也老而無遇賣食棘津今故城東北百步有後漢黃門譙敏碑其文相傳云蔡伯喈撰也高堤廢縣今縣東北三十六里有高堤故城一名雍氏郭城漢爲縣後漢省平堤廢縣漢宣帝封河閒獻王子招爲侯後漢省舊地理書

並失其所在蓋在今縣東北高堤城側近以界內多古堤因以爲名枯漳河在今縣東南十里又東流入褚縣界廣川故城漢爲縣故城在今縣東北古臺隋圖經云城北一古臺俗傳爲太公賣漿臺故棗強城漢爲邑理故城在今縣西南十五里後漢省魏復置高齊天保七年自故城移棗強縣于今縣東北十八里廣川城置隋開皇二年移于今理復陽故城漢縣在今縣西南十八里故城是也高帝封陳胥爲侯卽此後漢省莎題漢爲縣後漢省舊地理書並失所在按郡國縣

道記云今在貝冀德三州之界卽棗強地也

衡水縣西北四十里舊十八鄉今三鄉本漢桃縣地隋開皇十六年

于今縣置衡水縣在長蘆河西則衡漳故瀆也因

以為縣名 長蘆水在縣南二百步 藺相如臺

在縣東北十二里

菑縣東北七十里舊二十鄉今四鄉本漢菑縣卽條侯國也文帝封周

亞夫為條侯菑縣屬信都國後漢屬渤海郡晉改

菑為條隋開皇三年廢渤海郡屬冀州五年改條

縣為菑縣屬觀州唐武德亦屬觀州貞觀十七年

州廢改隸德州今屬冀州 九城在縣西有邸閣

城內有晉菑縣令魯國孔翼清德碑存焉 馬頰

河經邑界

深州

深州饒陽郡今理陸澤縣禹貢冀州之域星分畢宿戰國時屬

魏七國時為趙地秦并天下為上谷鉅鹿二郡地

漢為饒陽縣地屬涿郡後漢屬安平國桓帝以後

為博陵郡晉為博陵郡北齊亦同隋開皇十六年

廢郡于饒陽縣置深州以州西故深城為名大業

二年州廢以其地分入博陵河間二郡唐武德四

年平竇建德于河間郡之饒陽縣置深州領安平

饒陽蕪蕪三縣初治安平其年移理饒陽貞觀元年割故廉州之鹿城冀州之武强下博來屬省蕪蕪縣十七年廢深州以饒陽屬瀛州安平屬定州鹿城下博武强屬冀州先天二年復割饒陽安平鹿城置深州仍分置陸澤縣天寶元年改深州爲饒陽郡乾元元年復爲深州

元領縣五

今六

陸澤

饒陽

安平

武强

冀州割到

下博

冀州割到

樂壽

瀛州割到

二縣割出

鹿城

入鎮州

博野

入定州

州境

東西一百九十里

南北二百六十里

四至八到

東至東京九百里

西南至西京一千二百三十里

西南取趙州路至長安二千一百五里

東至滄州三百十五里

南至魏州五百里

西至鎮州一百八十五里

北至易州三百里

東南至冀州一百三十里

西北至定州一百七十三里

東北至瀛州一百五十里

西北至鎮州一百五十里

戶

唐開元戶四萬二千二百一十五

皇朝戶主一萬五千四百八十八客五千八百七

十三

風俗同冀州

人物

蘇瓊

字珍之武強人

唐魏知古

深州陸澤人爲相

土產

布

絹

石榴

陸澤縣

舊十七鄉今五鄉

本漢廣阿縣地隋仁壽中象城縣

地唐開元中自象城析置以大陸澤爲名貞元中

以饒陽立深州至長慶已後移深州理于是邑

大陸澤禹貢謂大陸旣作是也

饒陽縣

東北三十里舊三十鄉

本漢舊縣地屬涿郡應劭注云

在饒河之陽爲名今有古城在今縣東北二十里

六平 卷之六十三
饒陽故城是也齊文宣天保五年移于今理按饒陽縣卽後魏虜渠口置虜口鎮于此後爲縣隸深州隋開皇三年改屬定州十六年屬深州大業三年省深州改屬瀛州唐武德四年還屬深州 枯白馬渠在縣南一名黃河今名白馬溝上承滹沱河東流入下博界故瀆水經注云滹沱河又東自白馬渠出李公緒趙記云此渠魏白馬王彪所鑿俗謂黃河又通典州郡云滹沱河舊在縣南卽光武所渡處魏武帝因饒河故瀆決令北注新溝所以今在縣北後魏刺史楊貝改爲清寧河是也

毛萇宅註詩爲河閒王博士是邑人今有宅存博陵故城饒陽故城皆漢邑名廢城在縣界 虜口鎮城今邑理也白石趙苻秦後魏並爲博陵郡理于此 州理城晉魯口城也公孫泉叛司馬懿征之鑿滹沱入泝水以運糧因築此城蓋滹沱有魯沱之名因號魯口後魏道武皇始二年車駕幸魯口卽此城也 蕪萇亭在縣東北四十五里後漢光武自薊東南馳昏夜至饒陽蕪萇亭飢甚馮異進豆粥光武曰得公孫豆粥飢寒俱解矣公孫異字 蕪萇故城在縣東北四十五里隋縣也蓋

因東北蕪婁亭爲名

安平縣

西北五十二里舊一十六鄉今五鄉

本漢舊縣屬涿郡漢書曰

高帝六年封鄂千秋爲安平侯後屬博陵郡今城北面有臺俗謂之神女樓自晉及高齊博陵郡並理此隋開皇十六年又于此置深州大業三年省州以縣還涿郡唐武德四年又置深州以縣屬深州州廢割屬定州至先天元年又置州縣仍屬焉穀邱故城在今縣西南十五里漢爲縣後漢省派水今名疆河西自定州義豐縣界流入 滹沱河在縣南二十三里

武強縣

東北一百三十里舊四十鄉今六鄉

古武隧地卽六國時爲趙

邑故城在今縣東北三十里前漢爲武隧縣屬河閒國後漢屬安平國晉屬長樂國後魏屬武邑郡高齊天保七年省又按郡國縣道記云武強故縣在今縣西南二十五里漢爲侯國今縣卽西晉于其城置武強縣因古域名之高齊移于今理有衡漳河在今縣南五里其城卽後魏武邑縣郡城道武皇始二年築 武隧故城在縣東北三十一里秦破趙將扈輒于武隧斬首十萬卽此地也 武強故城在縣西南二十五里漢書嚴不識以擊黥

布功封武强侯後漢王梁亦爲武强侯 武强泉
卽擔生虵所陷之縣

下博縣

北一百里舊二鄉今六鄉

本漢舊縣也屬信都國應劭

注云泰山有博縣此故言下也王莽改曰閏博亦
謂在博水之下故名耳後漢書云光武曾迷于下
博是故縣在今縣南二十里後魏移縣理于衡水
北卽去今縣二十里俗謂之故縣城後周建德六
年又移于今理按縣道記云下博今理卽後漢祭
遵壘北枕衡漳水是也 白馬故溝隋圖經云魏
白馬王彪鑿武强淵邑人有遇一小虵疑其靈持

武字上當公一核

而養之名曰擔生長而吞噬人里內患之遂捕繫
之獄擔生負而奔邑因淪爲湖縣長及吏咸爲魚
矣今縣治東北半里許落水淵水又東南結爲湖
縣淪之日令之子東奔又陷于此故謂之郎君淵
平澤河在縣北界卽後漢王霸言光武冰合之
所今號曰危渡 世祖廟漢世祖自薊北行至此
見一白頭翁云信都爲長安守是此處今有廟存
樂壽縣東北口口口里舊一十五鄉今四鄉本漢樂成縣地屬河閒國
故城在今縣東南六十五里是漢理所城內有河
閒獻王殿餘址尙存續漢書郡國志云後漢桓帝

改爲樂陵縣帝追尊祖父河間王開爲孝穆皇帝
以此邑奉山陵故加陵字曹魏又改爲樂城縣後
魏太和十一年自故郡移河間郡及縣西南一里
樂壽亭故城其年郡又移理武桓城今河間縣是
也隋開皇三年罷郡以縣屬瀛州十八年改爲廣
城縣仁壽元年又改爲樂壽又取其理城爲名大
業十三年自樂壽亭故城移于今理 房淵九州
記云樂壽縣有房淵方三百里石勒之建安二年
水忽變爲赤燕慕容儁二年水忽生鹽如印形其
淵一日再長再減不失其度居近者時見龍狗之

狀戲于旁葉落于淵者輒有羣鷺銜出 故阿武
城漢縣廢城在今縣西北三十九里後漢省 故
中水城漢縣也在今縣西北三十里高祖封功臣
呂馬童爲中水侯卽此地居兩河之間故曰中水
又郡國縣道記云其城南枕滹沱北背高河高齊
天保七年省

太平寰宇記卷之六十三終

太平寰宇記卷之六十四

河北道十三

德州

棣州

濱州

德州

平原郡今理安德縣

禹貢兗州之域星分危宿十一度春秋及戰國並屬齊地秦滅齊置齊郡漢高帝分齊郡置平原郡領縣十九理平原後漢又為國殤帝

延平元年以封和帝子勝為王子德嗣德無子安

帝永寧元年立河間孝王子翼為平原王奉勝祀

順帝永建五年貶翼為蠡吾侯桓帝建和二年封

順帝永建五年貶翼為蠡吾侯桓帝建和二年封

弟顧為平原王至獻帝時國除曹魏黃初三年又為國封皇子叡為平原王七年叡入為皇太子晉武帝泰始元年亦為國封叔父幹為平原王後魏又改為郡仍自平原移理今聊城界畔城文帝太和于今州東南三十里安德故城置安德郡平原縣屬焉隋開皇三年罷郡以平原屬冀州九年于今安德復置德州平原復屬焉大業三年罷州為平原郡唐武德四年平竇建德復置德州領安德般平原長河將陵平昌六縣其年置總管府管博德棣觀四州貞觀元年廢都督府割滄州之滴

河厭次來屬十七年廢般縣以滴河厭次二縣屬棣州又以廢觀州之菑縣安陵來屬天寶元年改為平原郡乾元元年復為德州

元領縣八

今五

安德 平原 德平 將陵 安陵

一縣割出

菑縣

入冀州

二縣廢

長河

併入將陵

歸化

為鎮

州境

東西一百九十五里 南北二百十九里

四至八到

西南至東京九百五十里

西南至西京一千一百九十里

西南至長安二千五百里

東至棣州二百四十里

南至博州二百六十里

西至冀州二百十五里

正北微東至滄州二百四十里

正南微東渡河至齊州二百四十五里

西南至貝州二百三十里

西北至冀州三百三十里

戶

唐開元戶六萬一千七百七十

皇朝戶主一萬一千三百五十六客三千五百六

十八

風俗 同冀州

姓氏

平原郡六姓 師 雍 芮 義 華 東方

人物

管輅

字公明平原人精易學通占相之術言輒奇中

劉峻

字孝標平原人著辨命論

王刊

平原人

劉訐

字彥度平原人號玄貞處士

高詡

平原人

胡僧紹

字承烈平原人累辟不就齊高帝賜竹根如意筍籜冠

土產

貢綾

蚰牀子

賦綿

絹

安德縣

舊二十八鄉今四鄉

本漢安德縣也屬平原郡後魏屬

安德郡隋開皇三年廢郡屬冀州九年改隸德州

黃河南去縣八十里

滴水在縣西南八十里

鬲津枯河在縣西南七十里禹貢兗州九河既

道鬲津即九河之一自鬲津至徒駭二百餘里今

河雖移不離此城也

馬頰河在縣南五十里

鹿角故關在縣東七十五里

故鬲城郡國縣道

記云古鬲國鄆姓咎陶之後漢為縣高齊天保七

年併入安德廢城在今縣西北

東方朔祠在縣

東四十里係祀典唐大厯中刺史顏真卿重鐫夏

侯湛讚碑見存

平原縣

西南四十六里舊十八鄉

本漢舊縣屬平原郡後屬平原

國後魏屬安德郡隋開皇三年罷郡屬冀州九年

改隸德州

王莽枯河北流經漢平原故城

黃

河在縣南五十里

故鄆城在縣西後漢初分戶

又立陽靈縣尋併陽靈爲鄒封馬武爲侯卽此地
至後魏省鄒今故城存 驛幕故城漢縣在今縣
西北二十里故城是也高齊省入平原縣按郡國
志云殷至祖乙時置驛于此 管輅祠在縣西南
一里

德平縣

東北八十里
舊二十三鄉

本漢平昌縣屬平原郡故城在

今縣西南三十里卽漢理所後漢改爲西平昌後
魏永熙二年又除西字移于今縣東南廢平昌縣
城高齊天保七年又移于今理隋開皇三年改屬
滄州十六年屬德州今爲德平縣 馬頰河在今

縣南十里唐久視元年開決又名新河 故般城
漢縣廢城在今縣東北二十五里高齊天保七年
省隋開皇十六年又置般縣于今平昌縣西南三
十里漢平昌城內貞觀十年被水漂毀又移于漢
平昌城東北十四里今縣西南六十里築城以置
百姓十七年廢 重平故城在縣西北三十里漢
爲縣後漢省今有故城存後魏宣武帝大明三年
復置高齊天保七年省併入平昌縣

將陵縣

北五十里舊
八鄉今口鄉

本漢安德縣地屬平原郡隋開

皇十六年于此置將陵縣取安德縣界將陵故城

爲名屬德州 鬲津枯河在縣北二十里 王莽
枯河在縣東十里 廢長河縣在州西北五十里
舊十五鄉本漢廣川縣也屬信都國後漢屬清河
國魏封裴秀廣川侯高齊省隋開皇六年復置屬
冀州九年改隸德州仁壽元年改廣川縣爲長河
縣今併入將陵 漳河水自貝州漳南縣界流入
西去縣二十五里 永濟渠在縣西十里 張公
故關在縣東南七十里

安陵縣

西北一百里舊二十鄉今口鄉

本漢滹縣地屬渤海郡漢立

安縣舊地理書但云滹縣並失安縣理所今縣東

七里晉所置東安陵縣城卽漢安縣舊理也後魏
省東字今微有遺址高齊天保七年省隋開皇六
年又分東光縣于今縣東二十二里新郭城再置
今安陵故縣是也大業二年廢唐武德四年復立
貞觀十七年廢觀州與滹縣同隸德州永隆二年
移于柏杜橋卽今理 福城唐元和二年橫海軍
節度使鄭權奏德州安德縣渡黃河南隣齊州臨
邑縣有灌家口草市頃者成德軍于市北十里築
城名福城城緣隔黃河與齊州臨邑縣對岸又居
安德平原平昌三縣界疆境闊遠易動難安請于

此置縣以歸化爲名詔從之今廢爲鎮

棣州

棣州樂安郡今理厭次縣禹貢兗州之域郡國志云本青州界星分危宿

四度春秋時屬齊賜太公履北至于無棣是也秦併天下爲齊郡漢爲平原渤海千乘三郡地後漢爲平原郡樂安國地晉又爲樂安樂陵二國之地宋併樂安爲樂陵郡後魏又分樂陵爲二郡隋開皇中于郡理置厭次縣屬渤海郡又于陽信縣置棣州大業二年州廢縣隸滄州仍自饒安縣移滄州于陽信縣爲理唐武德四年置棣州領陽信樂

陵滴河厭次四縣治陽信八年併入滄州貞觀十七年復置棣州于樂陵縣領厭次滴河陽信三縣又割淄州之蒲臺隸焉而樂陵屬滄州天寶元年改爲樂安郡乾元元年復爲棣州

元領縣五 今三

厭次 滴河 陽信

二縣割出

蒲臺 渤海已上二縣入濱州

州境

東西三百四十九里 南北一百四十二里

四至八到

西南至東京一千一百里

西南至西京一千四百三十里

西南至長安二千二百九十里

東至濱州八十里

西至德州二百里

南至淄州一百八十里

北至滄州二百七十里

東南至青州二百四十里

西南至齊州二百五十里

東北至濱州渤海縣界四十里

西北至滄州二百三十里

戶

唐開元戶二萬五千五百四十五

皇朝戶主一萬五千六百八十五客四萬四百九

十三

風俗

同滄州

人物

東方朔

平原厭次人

土產

貢絹 地出絲蠶

厭次縣舊一十二鄉今四鄉本漢富平縣也屬平原郡後漢明

帝更名厭次則厭次前已廢矣相傳秦皇東遊厭

氣至碣石次舍于此因為名曹魏屬樂陵國晉樂

陵理于此泰始元年封石苞為公後魏又徙厭次

理馬嶺城即今陽信縣東馬嶺城是也高齊天保

七年省隋開皇十七年于此復置屬滄州唐武德

四年屬棣州 邵城郡國志云後為厭次城是也

有東方朔冢存即晉邵續屯兵此城石虎擒之因

名邵平城後即單呼邵城 黃河在縣南三里

滴河在縣四十里 通海故關在縣四十里

滴河縣西南六十里舊十鄉今三鄉本漢枋縣也屬平原郡後漢

省隋開皇十六年于枋故城置滴河縣以縣南滴

河為名屬滄州改屬棣州唐貞觀元年改隸德州

十七年還棣州 馬頰枯河在縣北二十里 滴

河在縣北十五里漢成帝鴻嘉四年河水泛溢為

害河隄都尉許商鑿北河通海故以商字為名後

人加水馬按水經注滴河水從縣界流經富平故

城北分為二東水謂之長叢溝北水謂之百薄瀆

東北俱注于海 黃河在縣南十八里

陽信縣北六十里舊十鄉今六鄉本漢舊縣地屬渤海郡縣在

河曲之中魏屬樂陵國晉東海王越斬汲桑于此

後魏屬樂陵郡隋開皇三年罷郡屬滄州十七年

于陽信置棣州唐武德六年省州以縣屬滄州後

唐同光三年割屬棣州 瑗城漢縣故城在今縣

東北五里又名運城是後漢省廢城存 富平故

城漢縣廢城在今縣東三十里富平故城是也今

名邵城按十六國春秋云內黃人邵續自號冀州

刺史屯富平城尋為石季龍所擒即此城城中有

鐵柱兼有神祠 千乘博昌皆漢之縣名有廢城

俱在邑界 鉤般河在縣北四十里即九河之一

也

濱州

濱州今理渤海縣本贍國軍周顯德三年三月升為州仍

割棣州之渤海蒲臺兩縣屬焉

領縣二

渤海 蒲臺

州境

東西二百二十里 南北一百三十八里

四至八到

西南至東京一千一百二十一里

西南至西京一千六百九十里

西南至長安二千三百八十里

東至海一百八十里

西至棣州界四十里

南至淄州一百九十七里

北至滄州界八十里

東南至青州界一百八十里

西南至棣州八十里

東北至滄州界七十里

西北至滄州界二百六十里

戶

舊戶載棣州籍

皇朝戶主九千一百八十五

風俗 同棣州

人物 無

土產 同棣州

渤海縣

舊十鄉今五鄉

本隋蒲臺縣地唐垂拱四年分置渤海縣

以在渤海之濱為名天寶五年以地土鹹鹵

自舊縣西移四十里就李邱村置即今理 大海

在縣東一百六十里 舊黃河在縣西北六十里

景福二年後河水移道今枯

蒲臺縣 東南二十五里一作五十里舊一十二鄉今四鄉 本漢濕沃縣屬千

乘郡續漢書志無濕沃縣宋復置濕沃縣屬樂陵

郡隋開皇三年改屬滄州十六年改爲蒲臺縣取

縣北蒲臺爲名隋末廢唐武德三年重置八年改

屬淄州貞觀十七年置棣州割蒲臺屬焉 古蒲

臺在縣北四十四里秦始皇築之以望海祀蓬萊

宮乃于臺下縈蒲繫馬蒲生盤如繫馬之狀在縣

北二十五里此臺割入渤海縣界縣因此臺以爲

名 黃河西南去縣七十里 大海在縣東一百

四十里海畔有一沙阜高一丈周迴二里俗呼爲

鬪口淀是濟水入海之處海潮與淀相觸故名今

淀上有井可食海潮雖大淀終不沒百姓于其下

煮鹽

太平寰宇記卷之六十四終

太平寰宇記卷之六十四

太平寰宇記卷之六十五

河北道十四

滄州

滄州景城郡今理清池縣禹貢冀兗二州之域禹貢曰濟河惟

兗州九河既道孔注曰河水分為九道在此州界

虞舜及周為幽州之域春秋時屬齊晉七國時屬

燕齊二國之境又為燕趙齊三國之域秦并天下

以齊地置齊郡以趙地置鉅鹿郡以燕地置上谷

郡為三郡之地漢高帝五年又分三郡之地置渤海

郡理浮陽後漢移理南皮曹魏不改晉武泰始

元平襄王諱卷之六十五
元年封安平王孚子輔爲渤海王宋文帝元嘉中
改置樂陵郡孝武以其地廣分其地又置渤海郡
後魏初改渤海郡爲滄水郡太安四年郡移理今
東光縣城尋又省復爲渤海郡至熙平二年分瀛
州冀州置滄州取滄海爲名領浮陽樂陵安德三
郡理饒安卽今饒安縣東千童故城是也其浮陽
郡理今浮陽縣高齊及後周渤海郡猶理東光浮
陽郡猶理浮陽隋初三郡皆廢爲縣以元渤海所
領縣屬冀州以浮陽所領縣屬滄州又以廢樂陵
郡之屬縣並屬滄州十六年于長蘆縣置景州于

陽信縣置棣州大業二年廢景棣二州以二州元
屬縣屬滄州仍自饒安移州理于陽信縣三年罷
州爲渤海郡仍理陽信十二年爲賊所逼郡因徙
理清池唐武德元年改爲滄州領清池饒安無棣
三縣治清池其年移治饒安四年平竇建德分饒
安置鬲津縣五年以清池屬東鹽州六年以觀州
胡蘇縣來屬州仍徙治之其年又省棣州以滴河
厭次陽信樂陵四縣來屬貞觀元年以瀛州之景
城廢景州之長蘆南皮魯城三縣廢東鹽州之鹽
山清池二縣並來屬又以滴河厭次二縣屬德州

以胡蘇屬觀州仍移州治于清池又省鬲津入樂陵省無棣縣入陽信八年復置無棣縣十七年以廢觀州之弓高東光胡蘇來屬割陽信屬棣州天寶元年改爲景城郡乾元元年復爲滄州舊爲橫海軍節度唐末改爲義昌軍梁乾化二年改爲順化軍後唐復爲橫海軍皇朝因之

元領縣九

今七

清池

樂陵

南皮

景州割到

無棣

饒安

鹽山

臨津

景州割到

二縣廢

長蘆

併入清池

乾符

全

州境

東西三百六十二里

南北三百一十二里

四至八到

西南至東京一千二百里

西南至西京一千三百六十里

西南至長安二千二百二十里

東至大海一百八十里

正南微西至德州二百四十里

正西微北至瀛州二百里

北至乾寧軍九十里至幽州五百七十五里

東南至棣州二百五十里

西南至冀州二百九十里

西北至莫州二百六十里

東北至海口二百五十里又至平州五百里

戶

唐開元戶十二萬四千二十四

皇朝戶主二萬二千三百七十五客二萬七千三

百一十五

風俗

滄州古渤海之地屬趙分居多漢書云渤海趙之分野趙地薄人眾丈夫相聚遊戲悲歌慷慨起則椎剽掘塚作姦巧多弄物為倡優十三州志云渤海風俗鷲戾高尙氣力輕為奸兇

人物

茅焦

齊人說秦王迎母

雋不疑

字曼倩

鮑宣

字子都高城人

王修

字叔治南皮人藏書數百卷

石苞

字仲容南皮人官大司馬封樂陵郡公

石崇

字季倫苞子

刁協

字景純滄州人官尚書左僕射

刁雍

唐袁恕已

滄州東光人誅張易之封南陽郡王

賈耽

南皮人拜相著郡縣十道

記

土產

鹽 綿 絹 綾 五色柳箱 莞席 水葱布
細文葦簞 糖蠟 鯉鱗 牡蠣 蜃蛤 兔
毫

清池縣

舊三十鄉
今十三鄉

本漢浮陽縣屬渤海郡以在浮水

之陽故名隋開皇十八年改爲清池縣因縣東南
作清池爲名 浮水源自東光縣南界永濟渠分
出東北流經州理南十里又北經州城東一里又
東北入于海故土地十三州志云浮水所出東入
海 徒駭河九河之一與清池相接 永濟河在

縣西三十里自南皮縣來入乾寧軍今亦呼爲御
河 迎河在縣西南二十三里從南皮來輿地志
云南皮北有迎河分漳河入浮水 毛河在縣西
南五十七里從南皮來輿地志云毛河漳水各分
從毛州來又呼爲棣河 作清池在縣東南十九
里其水澄味鹹未嘗枯涸輿地志云浮陽城南有
大運淀魏延興二年水溢注破作清村因以爲池
池內時有鯿魚言與海潛通 滄州舊城唐貞元
十三年增築外城東南隅先有古墓高二丈人莫
知其名因掘得銘銘記云是六國時趙武靈王墓

遂置祠祭 劉炫碑後周人居此炫博通經史後
學之人爲立碑見存 廢長蘆縣州西北四十四
里本漢參戶縣今縣西北四十六里有參戶故城
是後漢省俗亦謂之木門城按本縣理卽周宣帝
大象二年於參戶故城東南置長蘆縣屬章武郡
隋初于今縣西北三里置漳河郡以縣屬焉三年
罷郡仍移縣于郡界屬瀛州十六年于縣置景州
大業三年廢唐武德四年又于此置景州貞觀初
省以縣屬滄州縣元在永濟渠西開元十四年大
雨城邑漂沈十六年移于永濟渠東一里卽今縣

是也皇朝乾德二年割入清池縣 長蘆水在舊
縣西南五里按水經注長蘆水出洺州列人縣以
其水傍多蘆葦爲名 薛摩陂在縣北周廻五十
里民有蒲魚之利 中邑漢縣高后封呂相朱進
爲侯王莽改曰檢陰後漢省併浮陽舊地理書並
失其所在卽今縣地是也 盟亭郡國志云長蘆
縣有盟亭卽爲燕齊之界 五壘城在縣西南二
里輿地志漢宣帝封河間獻王子雍爲景城侯五
子分居城中俗呼爲五壘城 古木門城在縣西
北四十六里春秋襄公二十七年衛侯之弟鱣出

奔晉託于木門蓋此城也輿地志云中有大樹因名木門 參戶侯陵在縣西北三十六里高一丈漢書河間獻王子免封參戶侯 廢乾符縣在州北一百里本漢章武縣地屬渤海郡今縣東南鹽山縣西北章武故城是也後魏于今縣理置西章武縣高齊省隋開皇十六年又于西章武故城置魯城縣遙取長蘆縣北平虜城爲名仍改虜爲魯者蓋惡胡虜之字也屬景州唐貞觀元年廢景州來屬乾符元年縣東北有野稻水穀連接二千餘頃東西七十里南北五十里北至燕南及魏悉來

掃拾俗稱聖米甚救濟民至二年勅改爲乾符縣周顯德二年併入清池縣 城頭將軍祠在此縣馬 平虜渠在縣南二百步魏建安中于此穿平虜渠以通軍漕北伐匈奴又築城在渠之左 大海在縣東十四里 衡漳河在縣西六十里 故蒲領城按郡國縣道記蒲領漢縣在冀州阜城縣北三里蒲領故城是也後漢併入薊縣又按水經注今縣西北六十里漳河西岸又有北蒲領故城蓋因漢末黃巾之亂有蒲領人流寓于此遂立此城後漢旣以蒲領故城與薊相近足明今縣西北

界有此城非漢縣理所 麻姑城郡國志云卽漢武東巡至此祀麻姑故有此名

樂陵縣

南一百二十五里舊一十八鄉今五鄉

本漢縣屬平原郡曹魏

封曲陽王茂爲樂陵王後魏初又爲樂陵郡所理至永平二年又徙縣于今縣東五十里樂陵故城唐貞觀元年自樂陵故城移縣于今所 鬲津枯河爾雅云九河之一在縣西三里東北流入饒安界入海 重合城漢縣故城在今縣東二百步漢書有功臣封重合侯卽此地高齊天保七年省振陂後魏太武所築在今縣西 燕留城郡國志

云卽齊桓公割地與燕處 馬頰河在縣東六十里從滴河縣北界來輿地志云篤馬河亦馬頰也爾雅九河也言馬頰上闊下狹如馬頰也 鈎盤河在縣東南五十里從德州平昌縣來河勢曲如鈎盤 東方朔廟漢書東方朔平原厭次人也厭次分爲樂陵郡

南皮縣

舊十三鄉今三鄉

本漢縣屬渤海郡以章武有北皮

亭此故曰南皮漢書項羽封陳餘爲南皮侯魏書云文帝爲五官中郎將射雉于南皮皆此地也縣東有觀臺卽袁譚所築魏武擒譚于此唐武德元

太平寰宇記 卷之六十五
年置景州以縣屬焉貞觀十七年州廢來屬滄州
長慶二年于弓高縣復立景州以縣屬焉周顯德
二年州廢縣歸滄州 曹公固卽漢京兆尹雋不
疑葬所魏太祖因豕爲固以攻袁氏因爲曹公固
焉 高樂故城漢縣後漢省故城在今縣東南三
十里今謂之思鄉城亦謂之西鄉城 古皮城在
縣北四里史記齊桓公北伐山戎至此繕修皮革
因築焉 醮友臺在縣東二十五里魏志云文帝
爲五官中郎將與吳質重遊南皮築此臺醮友故
名焉又名射雉臺 雋不疑墓在縣東南二里高

五丈漢書雋不疑渤海人也以明春秋聞爲青州
刺史 石苞臺在縣南一十三里高二丈苞南皮
人也按城家記云南皮有石苞墓此是也 尹吉
甫墓在縣西三十里高三丈又耆老傳云吉甫墓
上有樹二根有墓以來卽有此樹柯條鬱茂不覺
其老俗云年長樹 寒冰井在縣西一里魏志文
帝與元城令吳質書云憶昔南皮之遊誠不可忘
馳騁北場旅食南館浮甘瓜于清泉沈朱李于寒
冰卽此井是

無棣縣

東北一百二十里舊
二十二鄉今五鄉

古齊之北境漢陽信縣

地今縣東南三十里陽信故城存高齊天保七年自此城移于今陽信縣東馬嶺城置隋開皇六年于今所置無棣縣取縣南無棣溝爲名唐貞觀元年併入陽信八年復置馬谷山與老鳥山皆邑之名山月明沾在縣東界西接馬谷山東濱海煮鹽之所無棣溝周禮川曰河沛河在今無棣縣按其溝東流經縣理南又東流與鬲津枯溝合而入海隋末其溝廢唐永徽元年薛大鼎爲刺史奏開之引魚鹽之利于海百姓歌曰新河得通舟楫利直達滄海魚鹽至昔日徒行今跨駟美哉薛

公德滂被黃河在縣東南一百六十里東北流經馬谷小山東南注于海千童城秦始皇遣徐福將童男女千人入海求蓬萊不死之藥置此城以居漢曾爲縣蒲縈臺郡國志云始皇東遊海上於臺縈蒲繫馬今猶有蒲似水楊而勁堪爲箭赤河在縣西南三百步自饒安縣來一百里入海其水赤渾色

饒安縣

南九十里舊十鄉今六鄉

本漢千童縣屬渤海郡後漢

改爲饒安縣隋因之唐武德元年移治故千童城仍移州治于此六年州移胡蘇貞觀十二年移縣

治故浮水城即今理 鬲津河在縣南三十里自
樂陵來 無棣河一名赤河在縣北二十五里

故定城漢縣後漢省在今縣東南四十里廢城

章鄉城按郡國縣道記云章鄉漢縣後漢省併饒

安又十三州志云饒安縣東南二十里有童鄉亭

即故縣童即章字相類章鄉蓋在饒安縣東南二

十里童鄉亭 古胡蘇河一名赤河從胡蘇縣來

鹽山縣 東六十里舊二鄉今六鄉 本春秋無棣邑也漢置高城

縣故城在今縣南四十里左傳管仲曰昔召康公

賜我先君太公履北至于無棣伏琛齊地記無棣

今渤海高城縣也屬渤海郡有平津鄉即漢書武

帝封公孫弘為侯亦此邑高齊天保七年移于今

理隋開皇十八年改為鹽山縣以東南八十里鹽

山為名 篋山一名峽山在縣東南四十里 闊

山在縣東南九十里按郡國縣道記云此山及鹽

山二山並低小無峯巒樹木 大海在縣東北一

百二十里 屯氏河在縣城南十步東北流入海

浮水水經注云浮水東北經高城縣之宛鄉城

即過今邑界 故柳城在今縣東七十里漢為縣

後漢省一名柳亭城 漢武臺在邑界 鹹土在

縣東七十里東西南北一百五十里地帶海濱其
土鹹鹵海潮朝夕所及百姓取而煎之爲鹽

臨津縣

東南一百二十里舊一十八鄉今三鄉

本漢東光縣地漢書地

理志云東莞有胡蘇亭隋開皇十六年于此置胡
蘇縣因胡蘇亭爲名天寶元年改爲臨津縣屬滄
州 小天台山其山在縣界古傳台星殞而結此
山也 臨樂漢書云武帝封中山靖王子光爲侯
後至玄孫王莽篡絕改爲樂亭後漢省舊地理書
並失其所在蓋今邑界卽其地也 東莞漢爲縣
隋省併入臨津縣唐開元以前猶有此額後復廢

茅焦冢郡國志云秦人勸始皇與母相見者

胡蘇古亭在縣西南二十三里在古胡蘇河邊漢
書地理志云東光有胡蘇亭卽此也 歐陽建墓
在縣東南二十七里建渤海重合人石崇之甥爲
郡豪傑也

太平寰宇記卷之六十五終

太平寰宇記卷之六十六

太平寰宇記卷之六十六

河北道十五

瀛州

莫州

瀛州

瀛州河間郡今理河間縣禹貢冀州之域星分畢宿十度虞舜

十二州則為并州之域在周為唐叔所封之邑春

秋時屬晉晉開太行之東又為晉東陽之地七國

時三家分晉為趙地亦燕趙二國之境秦并天下

為邯鄲郡地漢為河間國後漢亦如之魏文黃初

二年封弟幹為河間王尋改封樂城縣王晉永嘉

亂後地沒苻石後魏太和十一年分定州河間高陽冀州章武三郡置瀛州以瀛海為名其河間郡自樂城移理于今樂壽縣西一里樂壽亭城置歷高齊及周郡不改隋開皇三年廢郡置瀛州煬帝初州廢為河間郡唐武德四年平竇建德改為瀛州領河間樂壽景城文安束城豐利六縣五年又置武垣任邱二縣貞觀元年省豐利入文安省武垣入河間割蒲州之高陽鄭故景州之平舒故蠡州之博野清苑五縣來屬又以景城屬滄州景雲二年割鄭任邱文安清苑四縣屬鄭州天寶元年

改為河間郡乾元元年復為瀛州

元領縣六 今四

河間 束城 高陽 景城景州割到

三縣割出

樂壽入海州 博野入深州 平舒入霸州

州境

東西一百七十里 南北七十一里

四至八到

南至東京一千一百里

西南至西京一千五百五十五里

西南取深州路至長安二千一百九十五里

東至滄州一百八十里

南至冀州二百三十里

西至定州二百八里

北至莫州一百八里

東南至德州三百七十里

西南至深州一百五十里

西北至易州三百里

東北至霸州一百九十里

戶

唐開元戶九萬八千一十八

皇朝戶主一萬一千三百六十四客四千一百

風俗同冀州

姓氏缺

人物

漢河間獻王劉德景帝子

許詢字玄度高陽人少遊洛陽遇雨

巒河間莫縣人

邢邵字子才任邱人少遊洛陽遇雨

遺官太常卿

劉炫河間人與劉焯讀書十五年

攝國子祭酒

唐齊映瀛州人

數耳聽五事同舉

李義府瀛州饒陽人祖為梓州

劉文房

字長卿河間人官隨州刺史

土產

絲 布 絹 人參 蔓荊子

河間縣

舊五十一鄉今九鄉

本漢州鄉縣屬涿郡今縣東北四

十一里有故州鄉城即漢理也漢書云武帝時望氣者云西北有女極貴遂訪之得鈎弋夫人於是邑後漢省州鄉縣為武垣郡地隋開皇三年罷郡武垣縣屬瀛州十六年移武垣縣居其舊城乃于此置河間縣 大浦淀又名大廉陂在縣西南四十一里水經注云大浦下導陂溝競奔咸注滹沱

是故人因決入之處謂之百道口蓋有此浦 滹沱河輿地志云滹沱河在今縣西二十里按河經武垣北後魏太和口年刺史王質掘直之楊真改為清寧河此水常有蛟入五月恒暴逆變為人于岸上與人並行至懸崖處推與俱下 乞活城郡國志云太安中并州刺史東瀛公司馬騰掠羯胡萬戶于山東賣為生口值儉難售恐其有叛不聽入州郡築此城以居之任自乞活晉書云乞活帥陳佺歸晉即此地也 馬頌城秦使蒙恬築以防河水因地以名之 故州鄉城在今郡東北四十

里古城是也漢爲縣理于此後漢省併入武垣縣
東武垣城西武垣城在今郡西南三十八里有
故城存卽秦所置其故城東微北三十里又有一
武垣故城時人謂之東武垣城卽當今郡南二十
五里蓋因魏武鑿渠引滹沱水遂移西武垣縣城
于此置武垣縣隋開皇三年又移武垣理州城此
城因廢十六年改武垣爲河間縣仍于東武垣故
城再置武垣縣大業二年省按隋圖經云河間東
武垣城卽武帝元封元年巡狩至此望氣者言有
異女使訪之得趙氏女兩手拳上自披之卽舒因

築此城以爲禁衛今縣西南樓上有夫人神卽鈞
弋遺像也 三女陵隋圖經云後漢光祿大夫劉

儵音由與竇武謀誅宦官爲曹節等所害三女營葬

故曰三女陵也 歙許勿切起冢隋圖經云歙起冢

闊百餘步長六七里深數丈云晉永嘉四年十月
晝昏十日方解冢忽然具成左右方一里牛咸疲
汗車皆有土而無轍 鮑叔牙冢在齊桓公城

毛萇宅郡人漢爲博士今郡有宅冢俱存今號其
處爲毛精壘 董永冢漢景帝時孝子卒葬于此
傅咸冢晉之文士葬于此 琴高冢高河間人

也入涿水三月乘鯉而出衣服不濡

東城縣 東北六十五里舊二十一鄉今五鄉 本漢東州縣屬渤海郡續

漢書屬河間國今縣東北十四里有東州故城即

漢為理所西晉移東州于城南三十五里魏明帝

孝昌二年復理漢故城高齊天保七年省併文安

隋開皇中置東城縣于今理因東州為名按四夷

縣道記云其東州故城今有三重縣城周五六里

故州外城周迴約二十里迄今宛然不改

高陽縣 西北七十里舊二十一鄉今三鄉 本漢舊縣屬涿郡應劭注

云在高河之陽後魏高陽郡領高陽縣隋開皇三

年罷郡十六年又于縣理置蒲州大業中廢州唐

武德四年又置蒲州貞觀初州廢以縣隸瀛州

滹沱河在今縣東北十四里 易水今名南易水

又名雹水西自易州遂城縣界流入 王尊冢隋

圖經云冢元在武垣城東北隅為東郡太守而卒

其柩一夜自歸今猶祀之呼為東郡河翁神 蔡

仲冢九州要記云漢南陽太守高陽侯蔡仲冢在

城北仲曉厭勝之術其冢至今無狐狸之穴 聖

姑祠邢子勵記云聖姑姓郝字女君魏青龍二年

四月下旬與隣女採樵于澹徐二水合流之處忽

有數婦人從水出皆着連腰裙若今之青衣至女君前曰東海公聘女君為婦故遣相迎因敷連茵褥于水中置女君于茵上青衣者侍側順流而下其家大小皆走往看惟得涕泣遙望莫能就女君怡然曰今幸得為水仙願勿憂憶語訖風起遂遙因為立祠桓翊以大臣子為尚書郎試高陽長主簿丁馥白縣有聖姑祠前後守令皆謁而後入翊曰何浮言之甚遂立柱而教曰若祀者有罪未經月餘在廳事忽見十餘婦人各持扇從門入謂翊曰今古既殊何相妨害而斷吾路翊性方直教斷更甚未經旬無病暴卒今水岸上有郝女君招魂葬處時人呼為元姬冢亦名聖母陵

景城縣

北七十二里舊十三鄉今五鄉

漢舊縣屬渤海郡後漢省後

魏延昌二年自今縣南二十里徙成平縣來理之隋開皇十八年改成平為景城復漢舊名也唐大中之後割屬瀛州 建成故城在今縣東南三十里漢為縣後漢省城尚存 成平故城漢縣在今縣南二十里成平故城是也後漢屬河間國後魏徙理景城因而荒廢

莫州

莫州文安郡今理鄭縣其地歷代所屬與瀛州同漢鄭縣後

魏孝昌三年移理阿陵城周武宣政元年復還今

理唐景雲二年於縣置鄭州割瀛州之鄭任邱文

安清苑幽州之歸義等五縣屬焉其年歸義復還

幽州開元十三年以鄭字類鄭改為莫字天寶元

年改為文安郡乾元元年復為莫州

元領縣六 今三

鄭縣 任邱 長豐

二縣割出

文安割入霸州 清苑割入保州

一縣廢

唐興併入鄭縣

州境

東西八十里 南北六十里

四至八到

南至東京一千一百里

西南至西京一千四百四十五里

南取瀛州路至長安二千二百九十五里

東至大海二百八十里

西至易州界霧山一百七十里

南至瀛州一百八里

北至涿州一百六十里

又北至幽州二百八十里

東南至滄州二百六十里

西南至定州二百五十里

西北至易州一百九十里

東北至平州八百里

戶

唐開元戶五萬三千四百

皇朝戶主四千五百三十客六百五十

風俗 同幽州

土產

菘蓉 人參 貢絹

鄭縣 舊十六鄉今三鄉 本漢舊縣屬涿郡後漢屬河間國唐

于此立郡史記云扁鵲此地人也 滹沱水東流

經縣南二里至莫州金口分界東北流入文安縣

界 易水在縣北二十里東入文安縣界合滹沱

水 掘鯉淀在縣西二十里俗名掘柳淀左太冲

魏都賦云掘鯉之淀蓋節之淵 易京城郡國志

云城在鄭縣西北三十里後漢末公孫瓚築京以

自固圍塹十二里以鐵為門諸將家家作樓樓以千計並高五六丈尋為袁紹所攻其樓皆陷沒

藺相如冢在涿鹿山東即屬郡界也涿水出焉東

入海昔黃帝戰蚩尤于此山 韓嬰冢輿地志云

韓嬰燕人漢為常山太傅作詩內外傳 濡水在

縣西二十里向東合易水左傳齊侯伐北燕盟于

濡上即此是也蓋秋所出 廢鄭縣城在縣東北

三里邢子願三郡記云顓頊所造 高郭故城在

縣西南二十六里漢書宣帝封河間獻王子嗑音藹

為高郭侯此城是也 滹沱河經高郭城南面東

流過後稱裏角城以水裏其角而過 閭邱臺在

縣南十六里漢書閭邱壽王涿郡高陽人也耆老

傳云此臺是閭邱壽王讀書之處 廢唐興縣在

縣西北五十里本漢高陽縣地舊名葛鄉城一名

依城唐如意元年析河間縣置武昌縣隸瀛州至

神龍初改為唐興縣景雲二年改為鄭州石晉改

為宜州縣後復舊周顯德六年併入鄭縣

任邱縣南四十三里舊十九鄉今四鄉本漢鄭縣地屬涿郡隋初廢

至開皇十六年又置大業末又廢唐武德五年置

復舊名屬瀛州景雲中自瀛州隸莫州 狐狸淀

在縣西北二十里水經注云鄭縣東南隅水有狐
狸淀俗亦謂之掘鯉淀非也按淀中有蒲柳多葭
葦澆水枯瀆在縣西一里故阿陵在縣東北
二十里阿陵故城是後漢省後魏曾徙鄭縣理此
周武帝宣政元年廢神曰邢子顥三郡記云縣
南三十里有一石曰受物一石二斗昔有沙門移
之至市經宿血滿其中乃移舊處復淨如人掃今
見存任邱古城在縣南二十六里三郡記云漢
元始二年巡檢海使中郎將任邱築此城以防海
寇卽以爲名至後漢桓帝崩無子太后使太尉竇
武詣河間迎靈帝乃居此城羣臣至此朝謁又謂
之謁城

長豐縣

東六十里舊
十鄉今四鄉

本秦漢之利豐縣也高齊天保

中遂廢至唐開元十年於文安南三十里復立利
豐縣又以縣北有長豐渠遂改名曰長豐仍析文
安任邱之二縣以實之今理所是也長豐渠自
縣西南從瀛州東城縣界入城西北與古漕河合

校勘

莫州

鄭縣

閭邱臺閭邱壽王讀書之處

按漢書吾邱壽王趙人也又姓氏書辨證云漢有吾邱壽王說苑作虞邱壽王則虞邱音變而為吾邱也今記作閭邱未詳其所據

太平寰宇記卷之六十六終

太平寰宇記卷之六十七

河北道十六

易州

雄州

霸州

易州

易州

上谷郡今理易縣

禹貢冀州之域星分尾宿一度虞舜

分易州又為并州之地周禮職方氏正北曰并州

其浸涑易按春秋時分屬燕趙漢地理志云燕南

得涑郡之易容城范陽北新城故安又續漢書地

理志趙分晉得中山秦并天下是為上谷郡地漢

置涿郡今州即漢涿郡之故安縣也晉為范陽國

後魏又為上谷郡隋開皇元年自今遂城所理英
雄城移南營州居燕之候臺仍改名為易州取州
南易水為名煬帝初州廢復為上谷郡遙取漢上
谷以為名唐武德四年討平竇建德改為易州領
易涑水永樂遂城迺五縣五年割迺縣置北義州
州廢仍以迺來屬開元二十三年分置五迴樓亭
板城三縣天寶元年改為上谷郡乾元元年復為
易州

元領縣八

今二

易縣 滿城

二縣割出

容城州入雄

遂城建威虜軍

四縣廢

涑水縣入易

五迴同上

樓亭舊廢

板城舊廢

州境

東西二百里

南北三百九十五里

四至八到

西南至東京一千四百四十六里

西南至西京一千四百七十五里

西南至長安二千三百三十五里

東至幽州二百一十四里

南至莫州一百八十里

西至蔚州飛狐縣東界一百四十里

東南至莫州 缺

北至媯州懷戎縣南界廢故城鎮二百里

西南至定州北平縣界一百四十七里

西北至蔚州取飛狐路三百六十里

東北至幽州良鄉縣界八十里

戶

唐開元戶四萬四千三十五

皇朝管主客戶二千六百四十三

風俗 同幽州

人物

祖納

字士言范陽道人能清言有名理為光祿大夫門施行馬

祖逖

字士雅納弟也

與劉琨俱為司州主簿夜聞荒雞鳴蹴琨曰此非惡聲也二人並有英氣每語時事輒中宵起坐逖北征濟江中流擊楫曰祖逖不清中原而濟有如大江

土產

人參 墨 綿 紫草 丹參 今進墨五百錠

入翰林院

易縣

舊十九鄉今十三鄉

本漢故安縣也漢書文帝封申屠嘉

爲故安侯地理志故安縣屬涿郡晉地道記屬范陽國按故城在今縣東南七百步武陽故城東南隅故安故城是也高齊天保七年省其武陽故城卽是燕之南鄙隋開皇十六年于故安故城西北隅置易縣卽今理 龍山隋圖經云易縣西南三十里龍山石上往往有仙人及龍跡四麓各有一洞大如車輪春則風出東夏出南秋出西冬出北有沙門法猛以夏日入其東穴見石堂石人欲窮諸穴有一人厲聲曰法師其餘三穴皆如東者不宜更入猛仍意不息不覺身在外穴也蓋神異難

測 孔山在州西南四十五里水經注云易水又東經孔山北其山有孔表裏通澈故名山下有穴出鍾乳尤佳 白馬山在縣北一十八里郡國志云周時人多學道于白馬山天寶六年勅改爲燕丹山 送荆陘九州記云易縣西南三十里卽荆軻入秦之路也 駁牛山郡國志云山色黑白斑駁形如牛故以爲名易水出其東 北易水一名安國河亦名北易水源出縣西北窮獨山中東南流經武陽故城南又東入涑水縣界 中易水水經注云出固安閭鄉城谷中東逕五大夫城又東

逕易京城與北易水合流入巨馬河史記云燕太子丹遣荆軻刺秦王祖送易水上卽此處也 魚邱水竹書紀年云晉荀瑶伐中山取窮魚之邱水經注云魚水出魚山山有石如巨魚水發其下濡水源出縣西窮獨山南谷 雹水一名南易水源出縣西南石獸岡 涑水河一名巨馬河西自蔚州飛狐縣界入水經注云巨馬河卽涑水也東北經郎山西望眾崖擎舉若鳥翼立石嶄巖似劍戟之杪又南流刀山嶄巖直上千霄遠望崖側若積刀環 紫石水水經注曰在易縣南 大覺嶺

霍原隱此教授之所在州北一百九十里 荆卿城在縣西七里周廻二里九州要記云荆軻城北臨濡水卽軻以金圓投龜處軻入秦樊於期刎頭付軻于此城 高漸離城在縣南十六里史記云荆軻死秦始皇得高漸離惜其善擊筑重赦之漸離復進得近乃以鉛置筑中舉筑撲秦皇不中此卽漸離所居 長安城在縣東南二十七里漢書云宣帝時幽州刺史李宣尙范陽公主主憶長安乃築此城像長安故以爲名城中有棗樹花而不結皆向西南而引俗謂之思鄉棗 斜安城郡國

志云易縣有斜安城傳岡不正因以名之東隅上有班姬祠是也 范陽故城漢范陽縣理于此故城在今縣東南六十里古城卽秦置一名故城後魏明帝孝昌二年爲杜洛周攻破高齊後主武平七年又移范陽于東故城北十七里 伏圖城一名小范陽是也西北去州四十五里隋初自伏圖城移范陽名于今涑水縣又于伏圖城別置迺縣以屬昌黎郡大業十年又移迺縣于伏圖城西南卽今州東南三十四里故迺城是十三年陷于寇二城俱廢 五公城在廢縣東三十里去州西三

十里河北記云易縣有五公城王譚不從王莽譚子興生五子避隱于此世祖並封爲侯元才北平侯顯才蒲陰侯益才安憲侯仲才新市侯季才唐侯所謂中山五王其西三十里有五大夫城說與此同 加夷城在廢縣西北四十里去州六十里水經注云巨馬水東流經加夷山卽睽子于山中養無目父母之所也輿地志云易縣加夷城有坑闊三丈深五尺俗呼睽子窟 金臺在縣東南三十里燕昭王所造置金于上以招賢士又有西金臺俗呼此爲東金臺 古野狐城在縣東三十里

者老云昔有狐于九荆嶺食五粒松子後得仙謂之飛狐縣其狐嘗來至此城時人呼爲野狐城西金臺在縣東南六十里卽燕王以金招賢士之所小金臺在縣東南十五里燕昭王所造卽郭隗臺也按春秋後語云郭隗謂燕王禮賢先從隗始乃爲碣石館于臺前 闌馬臺在縣東南十五里水經注云小金臺北有闌馬臺 候臺在州子城西南隅高三層燕昭王所築以候雲物 三公臺在縣東南十八里其臺相去三十六步並高大燕昭王所立樂毅鄒衍劇辛所遊之處故曰三公

臺 石柱在縣東南三十里臨易水州郡志云易州義石柱後魏末杜葛亂殺人骸骨狼籍如亂麻至齊神武起兵掃除凶醜拾遺骸骨葬于此立石柱以誌之 廢涑水縣在州北四十二里十四鄉本漢遼縣屬涿郡漢書年表景帝封匈奴降王陸彊爲遼侯今縣北一里故遼城是也後漢移于故城南卽今涑水縣所理後周大象二年省入涿縣隋初自伏圖城移范陽名于此六年又改爲故安縣九年又移故安于涿縣東界今涿州故安也十年又於此置永陽縣十八年改爲涑水縣以近涑

水爲名按縣地卽周封召公于此也皇朝太平興國六年併入易縣 巨馬河在縣東北二里 郎山在易縣西南四十里

滿城縣

西南一百里舊七鄉今三鄉

本漢北平縣屬中山國漢書

高帝封張蒼爲北平侯後魏武帝永熙二年置永樂縣屬易州唐天寶元年改爲滿城縣 趙簡子祠按城冢記趙簡子築北平城以拒燕今滿城是也其祠在城北一百步岫山下晉永康元年立張蒼墓漢丞相北平侯張蒼本武陽人因封于此子孫相繼至今見存 廢五迴縣在州西七十里

本漢易縣地唐開元二十三年刺史盧暉奏析易縣地置在五迴山東麓以界內五迴嶺名之二十四年刺史田琬以舊縣所居險隘遂東遷于古五公城卽今縣理是五公城已解在易縣 五迴山在今縣西九十里州郡志云易縣五迴嶺高四十里水經注云委折五迴下望層山若蟻蛭也下有三碑卽後魏所立文云皇帝太延元年車駕東巡援弓而射飛矢踰于巖山三百餘步後鎮軍將軍定州刺史樂良公乞文于射所造亭立碑中山安喜賈聰書 鬪雞臺在縣東南八十里水經注云

五迴山南七里有關雞臺傳曰燕太子丹鬪雞于此廢樓亭縣廢板城縣此二縣唐開元二十三年刺史盧暉奏置天寶後廢

雄州

雄州今理歸義縣

本涿州歸義縣之瓦子濟橋在涿州南易州東當九河之末舊置瓦橋關周顯德六年收復三關以其地控扼幽薊建為雄州仍移歸義并易州之容城二縣于城中

領縣二

歸義 容城

州境

東西一百五十里 南北八十五里

四至八到

西南至東京一千二百里

西南至西京一千六百五十里

西南至長安二千四百五十里

東至莫州新鎮七十里

西至定州二百五十里

南至莫州三十里

北至新城縣七十里

東南至莫州長豐縣九十里

西南至定州保塞軍一百里

東北至霸州一百里

西北至易州一百五十里

戶

皇朝管主客戶四千四十

風俗同易州

土產

古戰爭之地絹布之外別無藥物

歸義縣舊十二鄉今十鄉本涿州之屬邑在州北唐末移于

瓦橋關晉建軍城周世宗收復三關立雄州于此

易河在城南門外從秦州流入下至霸州 巨

馬河在州北三十里西北從易州流入下至霸州

臺胡淀在縣北一十五里 襄子淀在縣北巨

馬河北東西八十里南北三十里半屬新城縣

容城縣五鄉戰國時其地屬燕本漢容城縣也漢書地

理志曰燕南得涿郡之容城後漢省晉地理志涿

地後為容城縣屬范陽國高齊天保七年省併入

范陽唐武德四年討平竇建德置北義州仍改為

道縣以屬焉貞觀元年廢北義州縣歸本屬聖祿

二年契丹入寇固守得全改名全忠縣天寶元年
改爲容城復漢舊名也 巨馬河在縣北 南易
水在縣南流入瀛州高陽縣界與滹水合流 廢
縣城在州西北五十里 大泥淀小泥淀並在縣
南三十里水經注云易水東流容城大泥淀注之
泥同口之謂也 渾泥城在舊縣南四十里水經
注云泥同口有渾泥城漢景帝改爲亞谷城封東
胡降王盧它之爲亞谷侯卽此也 三臺城在縣
南三十五里按城豕記云燕魏二國各據一方分
易水爲界燕築三臺登降耀武漢赤眉賊起兵于
此亦增築三臺

霸州

霸州

今理永清縣

本上谷郡地星分箕尾幽州之古益津
關晉天福初陷虜庭周顯德六年收復因置霸州
并永清縣仍割莫州之文安瀛州之大城二縣隸
焉

領縣三

永清 文安 大城

州境

東西七十五里

南北一百七十三里

四至八到

南至東京一千二百里

西南至西京一千六百里

西南至長安二千五百里

東至乾寧軍界八十里接浞泊至雄州八十里

南至瀛州一百九十里

北至幽州二百里

東南至乾寧軍一百四十五里

西南至莫州七十里

東北至當州永清縣界孟村三十里接幽州北界

西北至當州永清縣界宋村二十五里接幽州北界

戶

皇朝戶主三千六百六十三客一千二百四十四

風俗 同瀛州

土產

絲 綿 絹 無藥物

永清縣 二本幽州會昌縣地唐天寶中改為永清縣

即古益津關周顯德六年收復三關遂于益津關

建霸州仍置永清縣 瓦河水在縣西南三百步

平曲城在縣東三十二里漢景帝封公孫渾邪
爲平曲侯卽此也

文安縣

西北去州五十里舊二十二鄉今四鄉

漢文安縣屬渤海郡後

漢屬河間國至和帝二年置瀛州縣屬焉晉分瀛
州之東平舒東州文安章武四縣置章武國縣在
古文安城至後魏太和十一年置瀛州以統章武
郡縣遂歸瀛州北齊廢章武入文安隋大業七年
征遼途經于河口當三河合流之處割文安平舒
二邑戶于河口置豐利縣隋末亂離百姓南移就
是城唐貞觀元年以豐利文安二縣相逼遂廢文

安城仍移文安名就豐利城置文安縣卽今理也
周朝改屬霸州 五渠水今名長鳴溝邢子勵記

云後魏延興初文安縣人孫願捕魚于五渠水中
有羣魚從西來共以柴塞之忽有人謂願曰須臾
當得大魚若願多求宜勿殺也願與共食惟覺出
氣少腥而衣衫多襪及去願送之以魚固辭不受
去後願下網果得大魚其狀如鯉而大願以爲異
物遂殺食之俄然風雨晝昏聞鳥飛聲比風息雨
霽有人乘舟至者云前見羣魚無數飛入于海願
遂不復漁矣因呼入海之處爲飛魚口 滹沱河

水在今縣西北三十里又東溢為趙淀 狐狸淀
 隋圖經云文安狐狸淀俗謂之掘鯉淀非君子淀
 君子淀在博野界 急流口在縣北十七里通永
 清界 趙君祠按圖經趙夔漢武帝時為文安縣
 令好神仙值文安大旱乃自焚土人感慕乃立祠
 焉 古文安城在今縣東北三十里 古三角城
 在縣西北二十里後趙石勒築以備燕 古南北
 盧蒲城在縣西二十七里左傳齊侯放盧蒲癸于
 北燕未入燕境權置二城在鄭縣界 樂巨叔墓
 在縣東南二十五里春秋後語樂毅伐齊後從燕

入趙毅生閒閒生巨叔毅封昌國君至漢高求毅
 之後又封巨叔為華城君卒葬于此

大城縣 西北去州九十五里 舊二十三鄉今四鄉 本漢東平舒縣屬渤海

郡後漢屬河間晉于此置章武國後魏為章武郡
 北齊廢郡為平舒縣隋開皇十六年于長蘆縣置
 景州平舒縣屬焉大業末劉黑闥兵亂河朔侵吞
 郡縣唐武德四年賊平縣屬景州貞觀元年州廢
 歸瀛州平舒者以人性寬舒為縣名周顯德六年
 割隸霸州今改名大城縣 平陵城在縣東北一
 百一十里漢書蘇建封平陵侯即此地也 鳳凰

臺在縣東北一十五里石勒四年鳳凰現于此因
築臺 滹沱河在縣北一百三十里 永濟渠在
縣東五十里

太平寰宇記卷之六十七終

道